

228606



卷

〇七五〇七

倉字

卷

〇七五〇六

倉字

永樂大典

七九



主錄總校官侍郎正高拱

學士左胡正象

分校官修撰左諸大統

寫書端士良吳仁

周燕益生臣陳廣弘

臣董仲始

永樂大典卷之七千五百六

十六陽

倉

洪武正韻千剛切藏穀廩又姓古有倉頡又倉氏漢文帝時倉官之後又倉庚鳥名又倉卒急遽貌又與倉同月令駕倉龍又見上許慎

說文倉穀藏也倉黃取而藏之故謂之倉从食省口象倉形凡倉之屬皆

从倉七剛切全奇字倉徐鍇通釋穀熟色蒼黃也口音常初陽反顧野王

玉篇且郎切倉庾貯也全谷並古文倉字又聰將切宋重修廣韻亦官名

齊職儀曰大倉令周司徒屬官有廩人倉人則其職也釋名曰倉藏也藏

穀物也漢書曰耿壽昌奏設常平倉司馬光類篇又楚亮切喪也鄭樵六

書略倉說文从食省从口會意郭守正紫雲韻詩倉兄填芳初亮反韻不

收歸通昭五音類聚七郎切蒼色也楊桓六書統清母倉穀藏也以象其

圓起之形足矢復从厶从艮省注其意以指之始明口為倉之形言其聚

良以藏之也良粟米也全从厶从巨巨大也大厶也謂穀之多大厶于此

也全倉倉並古文熊忠韻會舉要商次清音又漢有倉氏庫氏皆以官為

氏倪鍾六書類釋指事字溱博義通作蒼趙諫聲音文字通倉青岡切从倉省下象倉形形兼意借倉猝匆遽貌亦借蒼史記蒼頡蒼猝皆用蒼全

奇字。但象倉屋形。韻會定正字。切清岡清清千倉。

篆倉

古老

倉

並汗

倉

古尚

倉

王維恭黃庭經見杜從古集篆古文韻海

倉

定陶鼎見楊鉤鍾鼎集韻

倉

徐鉉

倉

高勉齋

學書韻

總

倉

並六

倉

武梁

倉

西狹

倉

禮殿記並洪邁漢隸分韻

倉

克

廟

碑

倉

孔廟銘並漢隸字源

倉

米

倉

草

倉

並章

倉

史

倉

王

之

倉

張錦

倉

並鮮

倉

于樞

倉

倉

倉

倉

倉

倉

總叙

事物紀原倉所以貯國儲也。商有鉅橋。漢有成畢教倉及常平。隋有黎陽。自古亦無名額。通典食貨篇隋文開皇三年華州置

廣通倉。則倉有名額。此其始也。六帖乃云吳倉。秦申君所造。名均輸。武王發鉅橋之粟。孔安國以爲紂所積之倉也。鄭康成注周原人云藏米曰廩。然則倉廩蓋一事也。孟子曰。替暇使舜完廩。損階召康公之。美公劉曰。乃積乃倉。則其始乃見於陶唐之世也。周禮有倉人掌入之藏。禮記月令曰。

李春發倉廩賜貧窮孟冬穿實窖修囷倉管子倉廩實知禮節不務地利則倉不盈能改齊漫錄倉廩二字蔡邕月令章句曰穀藏曰倉米藏曰廩雖其義如此然後世作文者亦未嘗分別而用如廣韻云倉有屋曰廩蓋此意出於邕後也王禎農器圖譜倉廩皆蓄積之所古有定制重民倉也次而囷京下而窖實世所共作俱穀藏去聲類也然又各有切要以從省便凡欲儲貯務儉德者當取為法至於始終出納之用尤不可闕故以嘉量繼之云又曰今國家備儲蓄之所上有氣樓謂之教房前有簷楹謂之明廈倉為總名蓋其制如此夫農家貯穀之屋雖規模稍下其名亦同皆係累年蓄積所在內外材木露者悉宜灰泥塗飾以辟火災木又不蠹可為永法書叙指南倉曰倉層史平準又曰教膚李義文曰京淳于意又曰倉膚音浮倉廩實曰京庾流行左思魏都倉空乏曰倉無見穀粟錢乏曰倉府空十式

神倉

禮記月令藏帝藉之收於神倉祗敬必飭注云天子藉田千畝故曰帝藉之收藉田所收之穀也神倉倉也藏祭祀之穀於神

倉重采盛之委也

藉田倉

禮儀志注漢舊儀曰種百穀萬斛為立藉田倉

太倉

羅必路史後紀炎帝神農

氏豫若天令正氣節審寒暑以平早晚之期謂人之生太倉為主而太倉穀為主一天下萬物無以易於穀於是揉木為耜撓木為耒踴窮髮跋荒野制晦清剛分龍斷而戒之耕然後六穀騰以供采盛而給軍國詳本紀漢書高帝紀七年蕭何治未央宮立太倉三輔黃圖太倉蕭何造在長安城外東南文景節儉太倉之粟紅腐而不可食漢書武帝之初民給家足太倉之粟陳陳相因漢會要食貨志西漢武帝之初國家亡事太倉之粟紅腐而不可食西漢書百官公卿表大司農屬官有太倉均輸平準都內籍田五令丞漢書律歷志龠合升斗斛職在太倉掌之水經注洛陽地紀曰大城東有太倉倉下運舡常有千計魏志曰袁渙為魏國郎中令及卒太祖為之流涕以穀二千斛一教以太倉穀千斛賜郎中令家一教以垣下穀千斛與曜卿家外不解其意教曰以太倉穀者官法也垣下穀者新舊也相臺志臨彰縣在鎮東南七里魏所置今其窖尚在晉志武帝紀咸寧二年於城東起太倉於東西市起常平倉晉咸和中蘇峻反王師連敗績時太倉惟有燒餘米數石以供御膳太倉在苑城內亦曰苑倉乾道中趙公房瑞廣濟新倉記云國訛獨稱吳苑倉在苑城內於晉為太倉餘無聞焉此蓋未考也洛陽志河南府太倉在建春門內杜預曰翟泉在太倉

西南南北史北齊司農寺掌倉正統太倉隋書百官志隋司農寺統太倉
典廩唐會要德宗正元十四年六月以久旱殺貴人流出太倉粟賑給京
畿諸縣九月以歲飢出太倉粟三十萬石出糶十九年十月太倉奏請依
六典置太倉令二員丞六員監事十員支計官驅使官三人典六人府史
六人從之憲宗元和九年四月詔出太倉粟七十萬石開六場糶之并
賑貸外縣待百姓秋熟徵納便於外縣收貯以防水旱十二年四月詔
出粟二十五萬石分兩街降估出糶長慶四年勅出太倉陳米三十萬
石於兩街出糶北京府志太倉在寅賓南薰二坊設監支納一員大使一
員副使一員攢典一名洪武四年二月設置其所屬各州縣倉分設大使
副使各一員備典一名唐李義山集太倉箴險哉太倉險若太行彼懸
車束馬為陟高岡此禍胎怨府起自斗量無小無大不可不除登陂萬頃
不廢汪汪火烈人畏不廢剛腸苟若寬猛處于中央衆穀之地勿言容易
貪夫殉財有死無二御點馬衡不得不利下或譏我過人之聰是人甘言
將欲相聲我或誇我秋毫必睹是人甘言將欲相瞞長如欲戰莫捨強弩
長如獲禽莫忘縛虎衆人之言有訛有真如彼五味有甘有辛口自嘗取
無信他人天生五色有白有黑目自別取無為人惑而况乎九門崇崇近

在牆東天視天聽惟明惟聰問禽合斗斛何以用銅取寒暑暴露不改其容亦象君子介然居中終日戰栗猶懼或失銜用何利取之以清虎用何縛接之以明弩用何射發之以誠俾後來居上無由以生有餘不足無由以爭心為準繫何憂乎不直不平各敬爾職一過心力倉中水外人馬不食陶母及魚以之歎息豈無他粟豈無他芻蕘似珠不可不虞倉中役夫千選萬選祭點為炭昨貯為殭應事成象無有定模緣私指使慎勿以呼賓朋姻婭或來燕話倉中酒醴慎勿以貫海翁忌機鷗故不飛涉翁易慮鷗乃飛去是以聖人從微至著不遺忠恕借借貸資此門先塞須防蒼蠅變白為黑嗚呼孰慮孰圖昔在漢家倉令淳于致少上訴無辜陷身至是不亦悲乎敢告君子身可殺道不可渝又地名太倉蘇州志在崑山縣抽分竹木場本處設置元顧世名梅山集太倉道中二首露氣侵衣月滿舡夢回依約五更天枕間聽得鳴鷗大知在誰家村上眠江煙漠漠暮天昏且把扁舟繫樹根欲問村中沽酒處家家風雨不開門官名太倉今見後倉職下

醴源倉

經世大典至元

二十五年光祿寺屬省部始置醴泉倉掌受香莎蘇門等酒材糯米鄉貢麴藥白麴成麴以供上醞及歲以賜諸王百官者秩從六品置提舉大使

副使各一員。今定置。提舉一員。大使一員。副使一員。此係大都監
庫倉至元二十五年始置掌受大都轉輸米翅并驅造車駕臨幸次舍供
億之酒秩從九品置大使直長各一員

常平倉

羅泌路史後紀
黃帝桓常審乎

大使一員。

直長一員。此係上都體源倉

地利以為常平。

注。地官之職。官云。為原者。於是地。厥草本乃遂耕種之利。

漢制叢錄戰國時李悝為魏文侯言。羅甚貴傷民。甚賤傷農民。傷則離散。

農傷則國貧。故甚貴甚賤。其傷一也。善平糴者。必謹觀歲有上中下熟。而

糴使民適足。價平則止。小飢則發小熟之所歛。大飢則發大熟之所歛。而

糴之。故雖遇饑饉水旱。糴不貴而民不散。取有餘以補不足也。行之魏國。

魏國以富強。漢興至宣帝世。大司農中丞耿壽昌請。常平倉。此亦李悝

平糴之遺意也。文獻通考。漢宣帝。常平倉。後漢明帝。置常滿倉。晉又曰。

常平倉。自此後無聞。梁亦曰常平倉。而不糴。難陳因之。後魏大和中。雖不

名曰常平。亦各令官司糴賒。儉則出糴。隋曰常平倉。唐武德中。置常平監。

官。以均天下之貨。平肆騰騰。則成價。而出田。高豐。美則增糴。而收。觸。詞。長。

之後。省監署。常平署。令一人掌倉糧。管輸出納。糴。凡天下倉廩和糴者。

為常平倉。正租為正倉。地子為義倉。事物紀原。宋會要曰。淳化三年六月。

京畿大穰物價至賤遣使于京城四門置場增價糴令造倉貯之。名曰常平。歲歉減價以糴。周振貧民。景德三年正月。上封者請諸路皆置。宋朝太子記講義熙寧四年。勸廣惠倉。田呂中云。為常平本故也。常平所積蓋散而為青苗。不惟常平之法壞。而廣惠倉賑濟之意亦壞矣。蘇東坡萬言書曰。常平之為法也。可謂至矣。所守者約。而所及者廣。借使萬家之邑。止有千斛。而穀貴之際。千斛在市。物價自平。一市之價既平。一方之食自足。無操瓢乞丐之弊。無里正催驅之勞。通鑑長編范景仁曰。常平倉始於漢之盛時。賤則貴。而歛之。恐傷農也。貴則賤。而散之。恐傷民也。最為近古。雖唐虞之政。無以易也。鶴林玉露廬陵羅氏曰。惠民之法。莫善於常平。司馬溫公云。此三代聖人之法。非李愷耿壽昌所能為也。陳止齋曰。周禮以年之上下出歛法。蓋年下則出。恐穀貴傷民也。年上則歛。恐穀賤傷農也。即常平之法矣。孟子曰。狗彘食人食。而不知檢。塗有餓殍。而不知發。檢字一本作歛。蓋狗彘食人食。粒米狼戾之歲也。法當歛之。塗有餓殍。凶歲也。法當發之。由此而言。三代之時。無常平之名。而有常平之政。特廢於襄周耳。其非耿李所能為也。製錦常見。常平義倉。本給鰥寡孤獨疾病不能自存之人。每歲仲冬。合勒里正及丐首。括數申縣。縣官當廳點視。以給蓋防妄冒。

然里正及丐首藉是以求賂有賂非窮民亦得預無賂雖窮民不得給文振初來永豐時會歲連饑仲冬點視丐者給米矣殆數日出郊偶見饑餓而狼狽於道者俱不得預始榜示諸鄉許無時自陳旬日間曳抱輻湊而來者二百餘人乃負饑餓鰥寡孤獨疾病不能自存者始知向以無賂不得給耳蓋由丐首括數而得賂者往往先與丐首約當給米時則分其半疾病孱弱者不能行履所給或盡為丐首席卷以去不然亦哀常例而丐者所得無幾矣夫丐首強壯亡疾病一家率數人蠶食於常平而又操掠如其弊可不革哉要當嚴禁其乞覓不公之弊遇初冬散榜令窮民自陳庶幾常平不為虛設焉政九要公侯之職隨歲豐儉所收分科糧另置常平倉以備凶荒濟貧之本也二三分收不科五分收科三分六分收至十分各降一分科朱子語錄因論常平倉曰某自典二州知常平之弊如此更不敢理會看南康自有五六萬石漳州亦六七萬石盡是浮埃空穀如何敢挑動這一件事不知做甚麼合殺某在浙東嘗奏云常平倉與省倉不可相連湏是東西置立令兩倉相去遠方可每常官吏檢點省倉則掛省倉其號牌子檢點常平倉則掛常平倉牌子只是一箇倉互相遮瞞今所在常平倉都教司法管此最不是少間太守要侵支使一司法如何

敢拗他通判雖管常平而其職實管於司法又所在通判大率避嫌不敢與知州爭事韓文公所謂例以嫌不可否事者也且如經總制錢牙契錢倍契錢之類盡被知州瞞朝廷奪去更不敢爭何嶺外代答常平米斛見存無幾所在皆是也廣右諸郡唯靜江常平米止支諸司人吏俸米自餘諸郡不以軍糧不足借支不還則以久不賑發腐損耗失軍糧不足而借之所至皆然非獨廣右且廣西米斗五十錢穀賤莫甚焉表其賤非誠多穀也正以生蒿不蓄倉穀不多耳田家自給之外餘悉糶去曾無又遠之積富商以下價糶之舳舻銜尾運之番禺以罔市利名曰穀賤其實無積貯爾州郡久不賑發一連遇大凶年米斗僅至二百錢則人民已有流離之禍州縣拱手無策以處之然則穀賤之果不足恃也如此若夫以新易陳在州郡所得為之事曰欽曰散曷不於樂歲廣糶以為之備乎清波陳志常平條凶荒立法甚嚴而米斛有以陳易新之條州郡恃以借充先人任信幕後守不償前欠一旦漏底官吏並送鄰州勘鞫先人亦坐失於催促擬還科公罪咎不理遺闕二十年後因同時生累該改秩為銓曹留難索案至朝廷時宗家益國公叅大政從容見語近見先文常平伏辯既不曾僉書何亦被鞫煇因言州郡刑獄冤濫有司以被朝命雖知不曾着字

蓋亦行三問。豈容不承罪及無辜。大率類此。退而思之。先人尚無恙。或陷深文。固可雪理於今日矣。自昔初除執政。例薦所知三兩人。建康王元樞初得政。首以先人名聞。乃自臨安堯庫除江東漕司幹官。見次一倅。屢更使。表皆欲發文字力辭之。竟終於選調。冊府元龜。夫歲有凶穰。故穀有貴賤。今有緩急。則物有重輕。始自列國。李悝起平糴之法。至于漢世。壽昌建常平之制。裁之得宜。馭之有道。雖復天災流行。水旱作沴。而穀有常價。民無飢色。其後迫於群議。乃從中輟。永平之歲。遵用舊典。市糴益賤。糶吏充積。既而罷焉。晉氏之後。南北更王。或建置有初。或評論靡決。名稱之際。因革或殊。經制之方。損益小異。記于隋室。復有義倉。社倉之名。唐祚延久。條式咸著。宋梁五代。干戈未息。楊旌奏議。亦頗及之。原其立法之意。誠以均節貨幣之高下。防虞稼穡之豐歉。調盈虛而御國用。謹聚散而濟民命。管子所謂多則賤。寡則貴。散則輕。聚則重。其得治財之術哉。夫為邦者。不可以不務也。西漢會要。宣帝即位。穀石至五錢。農民少利。時大司農中丞京壽昌奏言故事。歲漕關東粟四百萬斛。以給京師。用卒六萬人。宜糴三輔弘農河東上黨太原郡穀。是供京師。可以省關東漕卒過半。蕭望之奏。壽昌未足任。上不聽。事果便。壽昌遂白令邊郡皆築倉。以穀賤時增其價。而

糴以利農。貴時減其價而糴。名曰常平倉。民便之。帝廼下詔賜壽昌爵關

內侯。

食貨志。按宣紀。五鳳四年。設常平倉。

趙充國傳充國曰金城湟中。穀

斛八錢。吾謂景中丞糴三百萬斛。羌人不敢動矣。中丞請糴百萬斛。乃得

四十萬斛耳。失此二策。羌故敢為逆。充國傳。西漢書酷吏傳。嚴延年為河

南太守。府丞義道。司農中丞耿壽昌為常平倉利百姓。延年曰丞相御史

不知為也。當避位去。壽昌安得權此。師古曰。作此倉。非奇異之功也。公卿

不知為之。是曠官也。而壽昌安得權此以為權乎。西漢書食貨志。元帝即

位。天下大水。民多餓死。人相食。諸儒多言可罷常平倉。帝從其議。食貨志

按紀初元五年。罷常平倉。東漢書劉般傳。永平年間。帝欲置常平倉。公卿

議者多以為便。般對以常平倉外有利民之名。而內實侵刻百姓。豪右因

緣為姦。小民不能得其平。置之不便。帝乃止。山陰考索永平五年。又作

常平倉。續後漢書杜預傳。時匈奴師劉猛舉兵反。自并州西及河東平陽。

詔杜預以散侯定計省閭。俄拜度支尚書。預乃奏立藉田。建安邊論。與常

平倉。定穀價。較鹽運。制課調。上皆納焉。冊府元龜晉武帝紀。泰始四年。立

常平倉。豐則糴。儉則賣。以利百姓。咸寧二年。起常平倉於東西市。宋沈

雲慶為右丞。時歲有水旱。雲慶議立常平倉以救民急。太祖納其言。而事

不行。通志略晉武帝欲平一江表時穀賤而布帛貴帝立平糶法用布帛市穀以爲糧儲四年乃立常平倉豐則糶儉則糶以利民姓。宋文帝元嘉中三吳水潦穀貴人飢彭城王義康立議以東土災荒人稠穀踊富商蓄米日成其價宜班下所在隱其虛實令蓄積之家聽留一年儲餘皆勒便糶貸爲制平價此所謂常道行於百世權宜用於一時也。又緣淮藏豐邑地沃壤麥既已登黍粟行就可折其估賦仍就交市三吳飢今即以貸給使強壯轉運以贍老弱未盡施行人賴之矣。冊府元龜南齊永明中天下米穀布帛賤武帝欲置常平倉市積爲儲六年下詔兼尚書右丞李瑤之等參議出上庫錢五十萬於京師市米買絲綿綾絹布楊州出錢十九百一十萬南滁州二百萬各於郡所市糶南豫州二百萬市絲綿綾絹布米菽麥江州五百萬市米胡麻荊州五百萬郢州三百萬皆市絹布米大豆大胡麻荊州米兼粳粟湖州二百萬市米布蠟司州二百五十萬西豫州二百五十萬南兗州二百五十萬雍州五百萬皆市絹綿布米南兗州兼大麥大豆使臺傳並於所在市易。後魏孝文太和十二年詔群臣求安民之術有司上言請折州郡常調九分之二京都度支歲用之餘各立官司豐年糶貯於倉時儉則加私之一糶之於民如此民必相力田以

買絹積財。以取官粟。年登則常積。歲凶則直給。帝覽而善之。尋施行焉。自此公私豐贍。雖時有水旱不為患也。二十年十二月。置常平倉。東魏孝靜天平。中常調之外。遂於豐稔之處。折絹羅粟。以充國儲。於諸州緣河津濟。皆官倉貯積。以擬漕運。自是之後。倉庫廩之實。雖有水旱凶飢之處。皆仰開倉以振元元之衆。後周太祖初為魏相。創制司倉。掌辦九穀之物。以量國用。國用足。蓄其餘以待凶荒。不足則止餘用。用足則以粟貸人。春頒之。秋歛之。開皇三年。陝州置常平倉。京師置常平監。仁壽二年九月。置常平官。唐高祖武德元年。置常平監。五年廢之。唐志曰。倉部以常平備凶。直今丞監事。出山堂考索。太宗貞觀十三年十二月十四日。詔於洛相。幽徐齊并秦蒲等州。置常平倉。東藏九年。米藏五年。下濕之地。粟五年。米三年。著于令。見會要。高宗永徽六年。大雨。道路不通。京師米價暴貴。出倉粟糶之。京師東西二里。置常平倉。舊唐書。顯慶二年十二月三日。京西常平倉置。常平置官負。玄宗開元二年九月。詔曰。天下諸州。今年稍熟。穀價全賤。或慮傷農。常平之法。行自往古。苟絕欺詐。利益寔多。宜令諸州加時價三兩錢。糶不得抑歛。仍交相付領。勿許懸欠。茲麥時熟。穀未必貴。即令減價出糶。豆等堪貯。熟者亦宜准此。以時出入。務在利人。江嶺淮浙

紉南地皆下濕不堪貯積不在此例其常平所須錢物且令所司支料奏聞並委長官專知改任日遞相付受且以天災流行國家代有若無糧儲之備必致飢饉之憂縣令親入風俗所繫宜隨當處豐約勸課百姓未辦三載之糧且時一年之食每家別為倉窖非登忙農要之時勿許破用仍委刺史及按察使檢校覺察不得容其矯妄舊唐書食貨志開元七年六月勅關內隴右河南河北五道及荆揚襄麥綿益彭蜀漢劍茂等州並置常平倉其本上州三千貫中州二千貫下州一千貫每糶具本利與正倉帳同申天寶間天下常平倉糧總四百六十萬二千二百二十五石唐會要玄宗開元十年九月十五日廢河陽栢崖垣縣等倉十六年十月二日勅自今歲普熟穀價至賤必恐傷農加錢收糶以實倉廩縱逢水旱不慮阻飢公私之間或亦為便宜今所在以常平本賤及當處物各於時價上量加三錢百姓有難易者收糶事須兩和不得限數配糶記具所用錢物及所收糶得物數具中所司仍令上佐一人專司當冊府元龜開元二十九年制曰本置倉儲用防水旱朕每念黎庶常憂匱乏承前有遺損之州皆待奏報然始賑給近年亦分命使臣與州縣相知震置尚慮道路應遠往復淹滯以此恤人何救懸絕自今已後若有損處應須賑給宜令州縣長